

# მეტრახი


იუმორისტ. ჟურნალი

№ 30

გამოვა დრო-გამოშვებით. დასაბუქდი წერილები გამოიგზავნება:  
 Тифлиς, Типография Шрома, Теофилю Болквадзе.

## წერა-კითხვის გამავრცელებელი დარაჯნი

1233



წერა-კითხვის ციხის კართან  
 მცველებია დარაჯნი

და იქ მისულ მშრომელ ხალხსა  
 შიშით გაუხეტქეს გული.

ოხუნჯი.

### ომის ვითარება.

ომის საქმე ცუდად მიდის,  
 გაიფისა, გაიყინა;  
 გერმანია (ის წყეული)  
 მაგრათა დგას, როაკორც რკინა.  
 დამარცხებას არ ჰფიქრობენ,  
 ბრძოლას დინჯათ აგრძელებენ,  
 (შეგნებული ხალხი ვართო,  
 ჭეყიანას კი აბნელებენ!)

\* \*

საფრანგეთი, ამ ბოლო დროს  
 მტერს ძალიან გაუმკლავლა,  
 (თორემ წინათ მისა საქმე  
 აღარაფერს აღარ ჰგავდა).  
 გერმანია შეაჩერა,  
 არ მოელის პარიზს შიში,  
 (თუ რომ კიდევ, ხელ-მეორეთ  
 არ ჩავარდა ვასკიროში).

\* \*

რუსეთმა კი ავსტრიაში  
 გაიმარჯვა, გაიწია,  
 კრაკოვისაკენ მიდიან,  
 გადალახეს გალიცია;  
 მაგრამ ზემოთ, (პრუსიაში)  
 გამაგრება გაუქირდა,  
 (მტერი მეტათ ვაძლიერდა,  
 თორემ ისე რა უქირდა).

\* \*

ინგლისმა კი-- აჯანყება  
 როგორც იყო დააწყნარა,  
 მაგრამ გერმანიის ფლოტმა  
 გააკუჭა, გააცხარა.  
 ეხლა ჰმართებს მამაკობა,  
 თუ რომ შესწევს რაჟე ღონე,  
 (ვეგონებ ტყვილათ იბერება,  
 ეს ზღვის მეფე, თავ-მომწონე!)

\* \*

ავსტრია ხომ ისე წახდა  
 სულ დავთრები აერიო,  
 რუსეთთან რომ ვერას გახდა --  
 სერბიელებს დაერია!  
 მთელი ძალა მოიხპარა,  
 ბრძოლა იყო საშინელი,  
 (მაგრამ იქაც უკუ-აღდგის,  
 საქმე უყვეს საცინელი!).

\* \*

ოსმალეთი გვემუქრება:  
 მოვდივარო იერიშით,  
 თუმცა ჯარი ბლომათა ჰყავთ,  
 მაინც ცახცახებენ შიშით!

დიდი ბრძოლა დაიწყება,  
 რომ დადგება გაზაფხული;  
 (მანამდე კი ენვერ-ფაშას  
 მჯავრით გაუსკდება გული).

მათრახოსანი.

### ტიგრანას ჩივილი

(სტენა გავწრის ცხოვრებიდან)

ცხოვრებული მამაჩემი ჰავეტიქა სულ იმას ჩამ-  
 ჩიჩინებდა თუ „შვილო, ფულის შოვნა ვაინობის  
 დროსააო, ეცადე თუ მეესწრო იმ დროს ჩისპანდით  
 დახვდიო, ჩოთქს ხელი ყარაჩოლულათ გაჰკარ-გაჰ-  
 მოკარიო და ფული პესოკივით მოვაო“. პესოკი-  
 ვით კი არა, ნეტა იმტელი ვიშოვო რომ მეფურ-  
 ნეს გავუსწორდე და შიშშილით სული არ ამომ-  
 ძვრეს. კაცს პატენტი გქონდეს, შეშუღით დუქა-  
 ნი გამოტენილი და ვაჭრობის ნებას არ ვაძლევედენ?!  
 ვთქვი თუ, ვაინაა, ღმერთმა ქნა, ერთი ორიოდ  
 გროში ვიშოვე მეთქი და ამოტოლა ღვინო-არაყი  
 მოვყარე, ვიფიქრე მტრის გულისა არ გავხდე-  
 მეთქი. ათასი პლანები დავაწყე, მაგრამ სულ ჰუს-  
 ტიაკად. სულ ფუქად ჩამიარა. მეუბნებიან საქ-  
 მელები გაყიდეო და ისიც გეყოფათა. ვა, ერთი  
 ამათ ღმერთი სთხოვე! ქრისტიანო, მოგება ღვინო-  
 ში და არაყშია. სოუზის გაყიდვა რომ მდომებოდა  
 ხარშოვნიკის დუქანს გავაღებდი. ვა, ხალხნო  
 ოთხმოცი თუმანი პატენტში გადავიხადო და ხარ-  
 შოვნიკობა დავიწყო, ან არა და ხაში და ცხვრის  
 თავ-ფეხი ვყიღო კაცო?! ესე რჯულზე გადადგომა  
 როგორ იქნება, ადამიანმა პური ჭამოს და ქრის-  
 ტიანულათ ერთი ხელადა ღვინო არ დააყოლო!  
 არ ვიცი, არ ვიცი ეს რა ამბავია ჩემს თავზე! ვაი-  
 ნა განა სხვა არ ყოფილა: ეს ბურების ვაინაო, ეს  
 კიტაიციო, ეს იაპონციო, ეს ბალკანციო, ეს  
 რევოლუციო მაგრამ ხმა არავის გაუცია ჩემთვის.  
 ღვინოსაც ვყიდდი და არაყსაც. არა, ეს სულ სხვა  
 დრო დავვიდგა. სუყველა ეს ამბავი ამ გაბერილი  
 ლემენცების ბრალია, სულ მაგათ ატეხეს ეს დავი-  
 დარაბა, მაგ ჩემი ცოდით საესეებმა მაგათ. მეგონა,  
 რა იქნება ერთი ლემენცი ძვალ-რბილს სულ ჰარი-  
 სასავით გაუხდინა მეთქი. მაგრამ ეს ოსმალოც რომ  
 გაგეჟდა და ვაინა გამოუცხადა, მაგან სულ ცე-  
 ცხლზე ნავთი გადამისხა რალა! მე ვათავებას ვამ-  
 ბობდი და ვათავება კიარა ვაინა ახლა იწყება. მაშ  
 ტყუილათ უნდა ვაძლიო რალა ამოტელა პატენტის  
 ფული! რა ვიცი ეს ოხერი როცა პატენტი არა  
 მაქვს, ეს ჩვენი ბრუციანი აქციზი თითქოს კარა-  
 ბადინში ამოიკითხაო ისე ხელათ გაიგებს და სრა-  
 ზუმ ორმოც პროტოკოლს მიყენებს. ეხ... იყო  
 დრო რომ მიკიტნის ხელობას გასავალი და დახლი-

ცა ჰქონდა ეხლა სადღაა ის დროება, ქვეყანა ყირამალა ტრიალებს. რაფიცი კაცო ამ სუდენტებმა თელი ქალაქი აიკლეს, ერთი ბუნტები და ყალბა-ყალი იყო თუ სლაბოდნობა გვინდაო და სლაბოდნობა კი არა კაცო, უფრო მუხრუჭი მოგვიქირეს. ეხლანდელ დროში ბაზაზობას არაფერი არ ჯობია მედაჩემმა ღმერთმა. გაიკეთე შანტეკროლის გალუსტიკი, ბარიშნებს ხელი გადაუსვ-გადმოუსვი და შეიდ კაპეიანი ჩითი შეიდ შაურათ მიყიდე. ჩემი დედაკაცი მაინც სულ იმას მეჩხუბება თუ: „კაცო კოსტიუმი შეიკერე, გალუსრიკი გაიკეთეო, ახალუხის მოდა აღარ არისო“. ასრულდა რაღა იმის წადილი. აფსუს ჩემო სნორაკიანო ახალუხო რომ სამ კაპიკიან კარდონის ვოროტნიკში უნდა გავცვალო, მაგრამ რაქნა მეტი ჩარა რომ არა არის ამ სიბერის დროს ძალათ უნდა მასწავლონ კავალრობა რაღა არა მეც რა ქორფა კავალერი ვიქნები! სულ ზაგრანიჩნი კოპლის-მენტებს ვეტყვი რაღა!! ეს, მახლას...

გოგია.

### ხმა ხმასა იცნობს...

შემოდგომისა სუსხმა დაჰკრა,  
 ცივა ყველგანა.  
 მანათობელი სხივი ჩაქრა,  
 კენესის ქვეყანა.

სისხლით ირწყება არე-მარე,  
 ტყე-მინდორ-ველი.  
 შავმა ღრუბელმა შთანთქა მთვარე  
 შუქის მფრქვეველი.

არ გვარგებს კვენსა, ცრემლის ფრქვევა,  
 არცა სინაზე.  
 გვმართებს მუსრავი ძალთა რღვევა  
 მტრების ჯინაზე.

გამოვიღვიძოთ, ხმა მივსკეთ ძმებს,  
 ხმა პასუხს გავცემს;  
 ხმა ხმასა იცნობს და ხალხის მტრებს  
 თავს ზარსა დასცემს!..

ვ. ა - ძე.

### მესტვირულები

1

(ოზურგეთისათვის)

ეს, ჩემო სტვირო-ქამანჩაე.  
 ჩემო გულდავ და ნაბადო,—  
 არ შემოძლია, ხომ ხელავ,  
 რომ მოგიშორო დაგაგლო!

მსურს ეხლაც გვერდზე მოგიდო,  
 ნახვრეტზედ თითი დაგალო  
 და ჩვეულებრივ მოგმართო,  
 მწარ-ტკბილად აგადაღალო...

ხომ იცი, სევდა-ვარამი  
 მე რამდენჯერმე მწვევია!  
 ცრემლში ნარევი ნალველი  
 არ ერთხელ დამიღვევია...  
 მთლიად უიმედო ფიქრები  
 გულს ბევრჯერ შემომხვევია,—  
 მაგრამ ნელ-ტკბილი ღიღინით  
 სულ-ყველა დაგვიძღვევია!..

და ეხლაც, ჩემო ქამანჩაე,  
 ხელს ნუ ავადებთ მღერასა;  
 კვალად განვაგრძოთ ღიღინი,  
 ვებრძოლოთ ბედის-წერასა...  
 ერთგულ დარაჯად დაუდგეთ  
 მშრომელი ხალხის კერასა  
 და ყური ვუგდოთ გულ-დასმით  
 ჩაგრულთა გულის ძგერასა...

ღე, გაგვიმრავლდენ მტერები,—  
 სინიც საჭირონია;  
 აღვნიშნოთ მათი დიდება,  
 საქმენი საგმირონია...  
 პირმოთენობა, ლაქუცი  
 არაფრად მოსაწონია...  
 აბა, ჰაი ვიწყებ სიმღერას,  
 ყურს გვათხოვებენ მგონია!..

მსურს აფთიაქსა ვეწვიო,  
 (შიგ კოხტა ქალიშვილია...  
 მის დანახვაზედ რამდენჯერ  
 ამიკაწყკაწდა კბილია!).

იქ პროვიზორი ვიხილო,  
 „ქართული“ კლუბის შვილია,  
 არ შეყობაში ნაქები,  
 ნაჩვევი, გამოწრთენილია...

„მამულიშვილოზს“ საბრალო,  
 როგორც მისთანებს სჩვევია;  
 თავადღურ სულისკვეთებას  
 იმასში დაუძღვევია...

„კნიაენებს“ დასდევს ღღე და ღამ,  
 სულ ადრე მათ შესჩვევია;  
 და ოზურგეთის ქუჩისტკებს  
 არ ერთხელ გადახვევია...

მული მიაკლდა თურმე მას,  
 უფულოდ ყველგან ვარია;  
 ჩვენმა „ესფერმაც“, ამბობენ,  
 გაალო კასის კარია...  
 ამოითვალო იქიდან  
 შვიდასი მან „ქანქარია“  
 და ამ ფულეებით იგემა  
 წუთები სანეტარიძა..

გაიგეს ავი ხმოსნებმა,  
 სთქვეს: „განვიხილოთ კასაო;  
 ვნახოთ—აქლდება დღითი ღღე  
 თუ ემატება მასაო.—“

ჩუმათ წავიწყდეთ თავზედა,  
ნურაფერს ვეტყვით სხვისაო;  
ნეტა რას იზამს საბრალო,  
რით გაიმართლებს თავსაო!“.

მაგრამ უფრინდა ი . . . რ,  
როგორც ფეხ-მარდი მერანი;  
და უთხრა: „რევიზია,  
ხვალ აქ ვიქნებით ყველანი“.  
შეშინდა „მამულიშვილი“,  
აუტყდა გულის ძგერანი;  
მივარდა თავის „ძმობილთან“  
და იმას სთხოვა შევლანი.

მყის გაასწორა ყოველი...  
კასაც... შეხედეთ — მზათ არი!  
დაუფაცურდა „ძმა-ბიჭი“,  
უშოვა ბანკის „ქანქარი“;  
თანამსახურსაც აუვსეს  
კვიტანციებით დავთარი,  
თითქოს მიიღეს ფულები, —  
გაკეთდა საქმე წამხდარი...

მობრძანდნენ „რევიზორები“,  
სულ ყველა, არვინ ჰკლებია;  
იძიეს — თუა მართალი,  
რასაც ამტკიცებს ხმებია...  
მაგრამ... მოსტყუვდნენ... საწყლები!..  
ცხონდა იმისი ბებია,  
ვინც მოათესლა ოზურგეთს  
ეს მავნე და ურგებია!..

გათავდა. „ესე ამბავი,  
ხალხურათ ნათარგმანები, —  
მითხრეს და ლექსად გარდავქმენ,  
საქმე ვქენ საკომპანები“..  
ვიცი — იწყენენ ძალიან  
აქ ნახსენები ქალღი,  
დიდი ხანია ისინი  
არიან ჩემზედ მწყურლები; —

მაგრამ — „ვერ იხსნის სიკვდილსა  
შიში და დარღვილობა“,  
დე, დამესიოს სულყველა,  
გამოიჩინონ „ზრდილობა“,  
მე მაინც ჩემსას განვაჯობობ,  
მაქვს ამის გაბედულობა, —  
ზურგს მიმაგრებენ ჩაგრულნი,  
თან მახლავს მთი შვილობა...  
მაშ! ჯერ ეს იყოს, დროებით  
მსურს შევასვენო პირია;  
ან რა დროსაა ღიღინი —  
ქვეყანას მუსრავს ქირია...  
თუ დრომ გვაცალა და მტრისგან  
არ დავრჩით ანატირია, —  
მაშინ მე მკითხეთ, რა კობტათ  
ვაკრიმანჭულო სტვარია.

მ. ცხვირაძე.

(ს. ხვარბეთისათვის)

დიდი ხანია სტვირისთვის  
რაც არ მიხლია ხელია;  
დაგუბდა ბოლმა-ნალველი,  
ამომიქანგა ყელია.  
ებლაც არა მაქვს დაკერის ორო,  
ის ძნელი საშოვნელია —  
ხელში მიქირავს ტყვიები,  
თოფი და ხიშტი გრძელია.  
წინ მიდგას სულთა-მხუთავი,  
მოუღერია ცელია;  
თვარ დავხდი მარჯვეთ, ეგ თავი  
ადვილი მოსაცელია. —  
აქეთ ავსტრია მოგვადგა  
და იქით გერმანელია,  
ვერ დაეტია მის ტყავში  
წუწვი, მსუნავი მელია.  
თათარიც წამოეჩხირა,  
(გაუწყურეს გამოჩენელია)  
ნახავთ რომ ღორის ქონითა  
ამოუთარხო ყელია. —  
მაგრამ ვინ იცის, ცხოვრების  
ჩარხი უკულმა მსვლელია;  
ამდენ მტრებისა ვისიმე  
მიმსხვერპლებს ტყვია ცხელია.  
ზამთარიც წამოემატა  
ეს სუსხიანი — მწველია  
და რა დროს სტვირის დაკვრაა,  
როს ყოფნა სატირელია!?  
რაკი ამიტყდა სურვილი  
დაუკვრელობაც ძნელია  
და უნდა უკანასკნელათ  
გავბერო გულა ძველია.

მამასახლისი სიმონი  
ხვარბეთის მამა-მთავარი,  
ნუნუას ტიკსა დააკვდეს  
და ენაცვალოს მზათ არი.  
ქაჩავს და ქაჩავს წითელსა  
სულ ავრია დავთარი;  
ველარ მიმხდარა კლასი სად,  
კანცელარია სად არი.  
მწერალი მისი თომავი,  
მისი ამყოლი — აქარი, —  
ფლიდი და გაიძვერაი,  
ღვინოში ისიც მაგარი.  
დალევენ, დაითვრებიან  
და აუტყდებთ ცანცარი, —  
მასწავლებელი „ბზუკალი“  
კლასის ბალკონზე დამდგარი,  
ანიშნებს: აქ ამოღითო,  
კარგი ღვინო მაქვს — მაკარი.  
ცეცხლი მინთია, ოთახი  
მშვენიერათ არის გამთბარი;

მალაქია და სიმონი  
 ახალი კარტით აქ არი,  
 მარკოზიც მოლილინდება  
 სხვენზე ნაგდები — გამხმარი;  
 ფშუტიძეც მოჩანჩალდება  
 სულის მხსნელი და მოძღვარი,  
 (ამელამ კლასის ოთახში  
 ბრძოლა იქნება მაგარი).  
 იეტის მათ არ ერევა,  
 თავის ოთახში დამჯდარი;  
 (კლასია ლამურებისთვის  
 ღამის ბინა და საფარი).

შეიყრებიან ამქრები  
 დიდის რიხით და ამბითა;  
 შკალამედისინ ღვინოს სმენ  
 ბაკლებით, კოკა — ჩაფითა.  
 მერმე იწყება თამაში  
 გაბრუებულის თავითა,  
 ხან კამათლების გორებით,  
 ხან ნარდით, ხანაც კარტითა.

ზოგს დაეცლება საქანქრე,  
 ზოგი ვერ ზიდავს ჩანთითა;  
 რაც უშოვით მათ დღისით  
 ყველას აგებენ ღამითა.

თვალ დაქაჩული ხუცკესი  
 განზე მოგდებულ ჯვართა,  
 გულ-ხარბი არის, ვერ ძღება  
 საკურთხით, ვერცა ფართა.

დღისით სვამს, ღამით აქ მ-ოდის  
 მოსაგებელის აზრითა;  
 (ახია ყველა წაავოს  
 რაც რომ მობოკა დრამითა).

თავს არ იწუხებს ცულლუტი  
 წირვა და ლოკვის დარდითა;  
 როცა მოაწევს დრამობა  
 კარს მოგადგება აბგითა. —

ერთხელ თამაშში ჩამჯდარა  
 პარასკევს თავის ამქრითა  
 და განწმინდილი ამღვარა  
 იგი ორშაბათს ღამითა.  
 (მრევლი მორწმუნე იქნება  
 იმისი ქცევის ნახვითა?)

ამგვარი ღვდელი დავსწყევლე  
 და შევაჩვენე ჯვართა...  
 —

სოფლელი გაუგებარი,  
 იმისთვის მუდამ ბნელია;  
 რა იცის, რა უსწავლია,  
 ის მარტო მიწის მხენელია,  
 შრომობს დღე-ღამე მოხრილი,  
 შრომაში წყდება წელია;  
 მქადიც არა აქვს საყოფი,  
 ბელელიც ცარიელია.

იმისი ყოფა-ცხოვრება  
 ჯოჯოხეთია, ძნელია;  
 ვინაა მისი პატრონი,  
 დამხმარე, ანუ მხსნელია?

მწერალი, მამასახლისი  
 სოფლისთვის მხოლოდ მგელია;  
 ან რას მოუტანს მას ლოთი  
 და მოთამაშე მღვდელია?

(მათრახი უნდა ამგვარ მღვდელს  
 ზურგისა ასაწველია).  
 მისი ამყოლი ამქრები  
 სულ ყველა გასაწნელია...  
 —

„ხაიმი“ ლანძღავს დათიკოს  
 (განა ვალანძღვა ძნელია?)  
 ხაქმე ის არის მლანძღველი  
 თუ სიმართლისა მთქმელია.  
 სოფლის ფერშალსა დათიკოს  
 (თუშკა ხანდახან მსმელია)  
 არვინ ემდურის, სოფელი  
 მადრიელი ჰყავს მთელია;  
 ხან და ხან კარტსაც თამაშობს  
 (სხვები ვარესის მქნელია  
 და მეც იმიტომ გადავკარ  
 იმათ მათრახის წვერია).

დამშვილდა გული ღიღინით,  
 ამოვიწმინდე ყელია;  
 დავაგდე სტვირი და ისევე  
 თოფსა მოვკიდე ხელია.  
 აწ მისთვის აღარ მცალია,  
 ყარსისკენ გეახელია;  
 უნდა დავხოცო თათრები,  
 ტყვია თვარ შამომელია.

ბერი ქედანი.

### წკიპურტეპი

1.

#### ქალ-ვაჟთა „განვითარება“.

ჩვენი დედა-ქალაქი თბილისი ამ ბოლო დროს  
 მეტათ „განვიდარდა“. ევროპის „კულტურამ“ აქაც  
 შემოაქყიტა და ელექტრონის შუქით ააფერადა გო-  
 ლოვინის პროსპექტზედ მოჯირითე ქალ-ვაჟთა ფი-  
 გურები, რომელნიც მკლავი-მკლავ გაყრილნი და-  
 ქიკტიკობენ ღამის თორმეტ საათამდე და სიამოვნე-  
 ბით სტკებებიან ერთმანეთის თვალის პაქუნით.

ვინ გინდა რომ ამ სასიამო დოდში არ იღებ-  
 დეს მონაწილეობას. აქ ნახავთ: უსაქმურ ინტელი-  
 გენტს, გამოგდებულ სტუდენტს, დგორიანსკი უჩე-  
 ნიკს, კადეტს, ჩუჩის ავარას; გიმნაზისტკას, ხო-  
 რისტკას, მოდისკას, ქუჩისტკას და სხვებს, მაგრამ  
 ეს ფრიად სასიამოვნო მოვლენაა, რაც ნიშნავს—  
 სიძულვილის, კარჩაკეტილობის უარყოფას და კაცთ-  
 მოყვარეობის შეთვისებას.

წინათ თუ მოსწავლე ახალ-გაზრდობა დღე-ღამე  
 გაკვეთილების სწავლას უნდებოდა, დღეს ეს აღა-  
 რავის აკმაყოფილებს. დღევანდელი ახალ-გაზრდობა  
 ეწაფება კაცთ-მოყვარეობის უმაღლეს გრძნობებს  
 და გაკვეთილებზედ მადლა აყენებს შემდეგ საკით-

ხებს: — თავის ახალ „ნაცნობს“ როგორი სიტყვებით მიესალმოს, თვალი ჩაუკრას, ხელი გამოსდვას, გაუღიმოს, რომ თავი მოაწონოს და შეაყვაროს.

თუ წინათ გასათხოვარი ბარიშნა ვერ იყო საკმარისად განვითარებული, რის გამო მორცხვობდა გარეშე „ნაცნობთა“ წინაშე და ახლოს არ ეკარებოდა, დღეს პირიქით მეტ სითამამესაც იჩენს: მუხლზე დაუჯდება, მკლავზე დაუფორდება; თუმცა ბევრ მათგანს გვერდებზე ტყავი გადასძრობია ჩქმეტისაგან და სახე დასქნობია მეტის კონცან-ლოკვით, მაგრამ არაფრათ არ ადგებს სიმწვავეს, სიცივეს, წვიმას, თოვლს და თავის „ნაცნობთან“ ერთათ სად გინდა არ წავა, რომ ნეტარება იგრძნოს და სხვებსაც აუშალოს სადერღელი განვითარების გზაზედ გამოსვლისა.

მეტათ იმედინათ შეესტკერი ამ მოვლენას და ვეცდები შემდეგში უფრო ღირსეულათ გავაცნო საზოგადოებას იმ ახალ-გაზრდების ვინაობა, რომელნიც უმწვერვალესად „განვითარდებიან“ ამ დარგში. ეხლა კი სიამოვნებით დავიმღერებ საყოველთაოთ:

„განათლება კარს მოგვადგა,  
ყველას გემართებს სახარული,  
სანატრელი დროი დადგა—  
გაიაფდა სიყვარული.  
ყველასა ჰყავს თითო ცეტი—  
ვერა, ნუსა, თამრო, პელო;  
სხვა რა გვინდა ამის მეტი!  
ავგიშენდა საქართველო.

თფილისელი.

### სურათები

სუსხი არის ცივი ზამთრის,  
მწარეთ გრგვინავს ქარიშხალი,  
მიმქრალია მზე ცხოვრების  
ღამის გაგვიყინდეს ძვალი.

ზეცას სწვდება ხალხის კვცხა,  
სისხლით ირწყვის მინდორ-ველი,  
ყველგან მეფობს—შური, მტრობა,  
სიკვდილს აღუმართავს ცელი.

ღრო დაუდგათ მხეტთა ხროვებს  
ნავარდობენ ბრძოლის ველზე  
და ტირანი, განცხრომის ძეც  
ვერ ისვენებს სავარძელზე!

ცხმუტავს, წვალობს, თვალზე უდგას  
თვისი ნების აღსასრული,—  
თავს გავსწირავ—მხოლოთ ვნახო  
ხალხის მტერი გაბასრული.

კოწია.

## გურული სენა.

პეტრია და გოგია.

**პეტრია.** აა, გამარჯობა ზრავსტუი ხოშგელ-  
დუმ ბატონო ბარინ ეფენდი!

**გოგია.** ძამიავ და რა შეიტყვე, შენც წრო-  
უნდელ წელიწადსავით შეიპრიკე? რაა აი ცხრა  
რჯულიი სალაჰის..

**პეტ.** ავი პრასაა ნემეცურიც თუ არ დაგირ-  
ჩემოდეს ამ სიბერის ხანს საზუბრავათ.

**გოგ.** ოლოლე ჩეხს დელიყანდ ორქოფა  
მამულიშვილებს და იმათ ძვალ-ტყავა თავადებს—  
კი აფრიადებენ ფურცელს, მარა ვერ მივართვი  
პატრიქანი, ისე ეწყობა საქმე მაიო ხვანჯარა თათ-  
რები კი არა მთელი დუნია მალექეთი რომ დაგვე-  
სიოს ფაფარს ვერ შეუქანებს რუსეთის მეომარ დე-  
მოკრატისა.

**პეტრ.** იგი ხო და ახლა თლათ დალოი თათ-  
რების საქმე, იმისთანაი დელიყანდები ეწერება კო-  
წიეის დრუჟინაში რომ ქვით იგენის ზიარი ბატი.

**გოგ.** ვეი პლენ, ვინა ქოვ?

**პეტ.** ვინა და გიტულიაი კიტულიაი, ელისე და  
ესეფაი, კოწიეი-კოტრიეი, და ასეთი კილო სხვები  
უნქიერა ზარმაცები.

**გოგ.** ხო და საცოდავო თათრებო, დალოი  
თქვენი ომი. დასცხებენ და მისცემს სიცხეს, დაან-  
გრევენ ღომის ციხეს.

**პეტ.** ჩივიან ავი უცნაური დრუჟინა მარშალს  
მა გამოჩხრიკაო, ვითამ გურულეებს ეთხოვნონ.

**გოგ.** მამაის ცხონებამ ამის გამოჩხრეკას ამ  
შიმშილობის წელიწადს, მშეირი ხალხიზა ხუთი ქი-  
ლა სიმიინდი გამიეჩხრიკა იგი ერჩია თვარა ტყვიებს  
უმისოთაც საკმაოს ველით.

**პეტ.** არა ძამიავ, ისე არაა საქმე, კამანდრები  
კარგები ჰყავს თურმე ამ ზარმაცკი პოლკს—კოწიეი,  
ნიკოკაი და ქაბუკი დიმიტრაი.

**გოგ.** ერი ჰა, ოზურგეთიზა ვინა კი არა,  
გაჩისტკა მომხთარა. ნეტამც ვასილასაც წეიტყოფ-  
დენ პომპოლიკათ.

**პეტრ.** ოზურგეთი კი იწმინდება, მარა ლანჩხუ-  
თი ნიდაიბოდ. გამოყო მარა რა გამოყო ფედერა-  
ლების ბარტყებმა თავი, წრიპინებენ მარა რაფერ..

**გოგ.** დედავ წავებით, ვინ არიან აგენი ბიქო.

**პეტ.** რეფერანტკა ხურდაძე იმნაძისა ნიგე-  
აბრაზოვანია გონიერი, ფეტკა ქიათურსკი სტეპენ-  
ტიონ ვიშე-აბრაზოვანიე სტატისტიკოსი, ფილო-  
სოფოსი პლატონი, ქკუის კოლოფი კოლია, დათი-  
კოც იმის ტოლია.

დაიდვეს თითო რვეული—  
დომხალივითა რვეული,

მამულიშვილთა კრებულნი  
მარტოკა თავ-აგდებული,  
ზუბრეს აბდა და უბდები  
მანამ დაჩუტეს გუდები.

გოგ. ვინ მოსთვლის ჩემო პეტრია,  
ქვეყნათ რამდენი რეტია!  
სანამ დრო ასე ბნელია—  
იმათი სარბენელია--

ცხვირ-საკრავი.

### ერთი ეშმაკი

(სამტრედიისათვის)

სამტრედიისაში ერთი თვის წინათ,  
კლუბის დარბაზში შევედი ჭირათ.  
აქ სტუმრათ ვიყავ კაცთან წვეული,  
რევიზიისაც ვიყავ ჩვეული...  
(მე როგორც ერთი ეშმაკთაგანი—  
აგია ჩემი კვლევის საგანი)...  
მაგრამ, რაც ვნახე, იგი შენსა მტერს;  
(გადავეყარე აქ ვილაცა შტერს).  
კლუბის არისო მამასახლისი,  
(მაისუროვი გვარია მისი).  
იგი ჯერ არც კი შემოსულიყო,  
რომ ვითა შტერი—ყვირილი იწყო:  
„ბუფეტში რათა გზურავთო ქუდი,  
ეს უზრდელობა არისო ცუდი“...  
(ალბათ არ სჯერა, რომ კაცი ავი,  
თუ არ უფარგა ქუდ-ქვეშ თვით თავი,—  
ვერას ისწავლის—ოფლშიც იწუროს,  
ქუდი სულაც რომ არ დაიხუროს).  
— „ოჩისტი ვოზღუზ“! — გაეთრიეო,  
გიჯობს შენს ტყავში დაეტიეო...  
სახელიც მკითხა—„ვინ ხარო სიდან,  
რაზე მოსულხარ, რომელი წრიდან?“.  
(უნდა გამოვტყდე, ქეც დამაკვირდა.  
ვსთქვი, ნეტავ ავი რალათ დასჭირდა?)  
ჩემს ვინაობას საათი მთელი—  
იკვლევდა, როგორც პოლიციელი...  
რაც ძალდი იყო ბოლოს კი მივხვდი,  
თუმცა ძაღლებთან ბოდინსა ვიხდი,  
რომ შეუდარე ის უღირსსა შეიღს,  
(ტყულად ძალდი კი არ დავასობს კბილს,  
თუ არ მიეცი მიზეზი რამე  
ერთგულსა დარაჯს, დღისით ან ღამე.  
აქ ნაცვალაძეც სუფლიორობდა,  
(ხაქმეში ორივ თანასწორობდა...)  
თუმცა აშკარათ არ ამბობდა ცუდს.  
(ხანდისხან მხოლოთ გაუქნევდა კუდს...)  
მაგრამ სულ ერთი არ არის, არა!  
ფარულათ გველობს, თუნდა აშკარა?

არც პირველია მათი „გმირობა“,  
როგორც ამბობენ, ქკუის ძვირობა  
ხშირათ აწუხებთ... (დადიან ხმები,  
რომ ამისათვის „ბუქსი“ და სხვები  
მალ-მალ წკებლავენ, აძრობენ ტყავსა,  
(ერთმა წერილიც კი მოათავსა...)  
მაგრამ ვაკმაროთ, ამ ქალაჩუნებს,  
ეშმაკი ისევ მოინახულებს,  
და თუ კიდევ ქნეს საქმე საძრახი,—  
გაუტკაცუნებს ჩემი მათრახი...  
ახლათ-მოსული.

### სასტუმოს

(უძღვნა ღ. აბ-ს.)

მრავალი ხნის უვალი გზა  
მკერდით ვააფე, გავარღვიე  
და შენამდის სანამ მოველ,  
ცრემლი ბევრი დაფარქვიე.  
ეკალ-ნარი გადავლახე,  
ზღვის ზვირთები დავიმონე,  
და სულმნათო აღტაცებით  
მე შენ გულში ჩავიკანე.  
ბრძოლის ცეხლში ნაწრითობ გულმა,  
ძლივს, ძლივს იგრძნო სიხარული,  
რა მოველი შენს კალთასთან  
გაჰქრა სევდა, გაჰქრა წყლული.  
ვიგრძენ მშვიდათ სული, გული,  
გავსკეცდა სიყვარული.  
ამდენის ხნის ტრფობის ნიშნად  
გიძღვენ უცხო თაიგული.  
თაიგული სულ სხვა ფერი:  
ტრფობის ძაფზე აგებული,  
ვარდის ნაცვლად მძლავრი სული  
სპეტაკ გრძნობით მოქარგული.  
შენც შენის მხრით შემთავაზე  
სიყვარული გული წრფელი,  
ერთის წუთით განვიცადეთ  
ჩვენ სიამე - სანატრელი.  
ერთის წუთით, დიახ წუთით  
სიზმარივით ჩამრჩა გულში,  
გაჰქრა ყველა—ყვლავე ჩავები  
ჩემგნით ნაცად მწარ ფერხულში.  
მაგრამ ბედი არ მაშინებს  
ცვალეზადი არის ყველა,  
დრო შეიცვლის, კვლავ გაეჩნდები  
შენთან ჩემო ცუგრუმელა.  
მყის ჩავიკრავ მკერდს მხურვალედ  
მოგებვევი ბროლის ყელსა,  
სათნოების მოციქულაო,  
დაგიკოცნი თვალებს მწველსა.

გოგია...

**ერმალო და „მეზობელი“.**


„ერმალომ უთხრა მახარბელს  
სოფელი არის დუშაო  
შემწვარი გემრიელია  
უწვავიც კი იჭუმია“.

ასეთი ლექსით ერმალოს  
ეწვია „მეზობელია“  
როცა უნახა უბადრუკს  
ცოდვებით საესე ხერელია.  
აგი ერმალომ იწყინა:  
როგორ დამრია ხელია  
ან დამიმტკიცოს თუ მართლა  
შე ქრთამი ვიახელია,  
ან და სიცრუეს რას წერავს  
ის ვილაც საძაგელია.  
მედიატორეთ დანიშნა  
ნოე და ბარნაბ მღვდელია  
და შეუთვალა „მეზობელს“  
ათ ღლეში „პასუხს ველია“.




ბრძოლის ველი.

აქ „მეზობელმაც“ დასტამბა  
პასუხი კარგა ვრცელია:  
— „შენ იმით ხო არ მაშინებ  
ლეკური რო გაქვს გრძელია?!  
შე რაც ვსთქვი იმის მტკიცება  
სულაც არ არის ძნელია,  
მედიატორეთ—ვალერი  
და კოსტა დამიკერია,  
გლახუნ ჩახვადეს შეპკითხონ  
მან იცის ყველაფერია“.



ოსმალეთის ქალაქი სტამბოლი.

შეიქნა კვლევა-ძიება  
გადაბრუნეს ხერელია,  
რალაც კი ნახეს მაგრამა,  
არავინ არის მთქმელია.  
ხალხში ფუნქი გაისმის:  
გვეგონა უცოდველია,  
ვფიქრობდით არ იკადრებდა  
სოციალისტი ძველია.  
მარტო მახარბელ გვეგონა  
მღვდელი ვითარც მგელია,  
და თუ კი აგიც მოქმედობს  
ვით თანაშემწე,—მელია.  
ძლიერ კარგია ვიცოდეთ.  
მაგრამ ვინ არის მთქმელია?



ქალაქი ანტვერპენი ბელგიაში.

**ქესტუმ.**